

آبونه شرائطی : هریر ایچون
سنه لکی (۲۷۵) آلتی آیلنی
(۱۵۰) خار ج ایچون سنه لکی
۳۲۵ غروشددر .

نسخه سی ۵ غروشددر .
ایکی نسخه برآزاده
(۱۰) غروشددر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدله بن
یازیلر اعاده اولنماز .

الکتابخانه

۱۳۳۹

آدرس تبدیلنده آریجه
۵ غروش کوندرملیدر .

مکتوبلرک امضاری واضح
واوقوناقلی اولنی و آبونه
صره نومروسی محتوی
بولونسی لازمدر

ممالک اجنبیه ایچون آبونه
اولانلرک آدرس لرینگ
فرانسجه یازلمسی رجا اولنور .

پاره کوندردلیکی زمان نهیه
داثر اولدینی ییلدیرلمسی
رجا اولنور

اتبعون اهدکم سنیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

زوجه سیله چو قورلینه اولان محبتی اوندی چالیشمیی تولید ایدردی ، معیشتی توسیع ایدردی . زوجه تطبیق اسکی تورکارجه معیادتدن ایدی ، مغایر اخلاق ایدی . قادین خرجین بیله اولسه اركك اوکا تحمل ایدردی . بوساییده قادینلر موسسات اوغرینه فدا ایدلزدی . و اخلاق ملیه مختل اولمازدی .

نجه بیوک صدمه لره اوغرامش اولان تورکلکی بو آنه قدر وقایه ایتمش اولان عامل هیچ شبهه یوق قوای معنویه و اخلاقیه در . بوکونکی کونده ده تورکلکی یوقاری قالدیردجی ینه اوقوتدر . حیات خصوصیه و اجتماعیه سنده تورکلک بوقوتی الدن براقادجیه مشکلاتدن ینه یاقه سنی صیریر . هر هانکی ملتک فردی ، وظیفه و مسئولیت دویغوسی کندینه کلدیکی کبی ، متانت معنویه و اخلاقیه صاحبی اولور . انسانه حکم ایدن ایشته اودویغودر . نه حکومتدر ، نه جزا و ضرر قورقوسی در .

جمع قرآن

جمع قرآنه ترتیب ایدن فوائد سیاسییه

قرآن معجز بیانک حفظ انساب و آثارده بین الامم ممتاز برخصیصه فطریه یی حائر اولان قوم عرب طرفندن ضبط و تحریری و متمساقاً جمع و ترتیبی و زمانه کله قدر توفیقات مخصوصه ایله هر عصرده ملیونلره مصاحف شریفه ده مکتوب و ملیونلره اهل توحیدک حافظه احترامنده محفوظ بولمشی برکاتیلهدر که او کتساب مینک حین نزول و تبلیغندن بیک اوچوز بو قدر سنه مرور ایتدیکي حالده تا کلماته و مواضع الفضاظنه قدر خاتم الانبیا صلی الله علیه وسلم اقدم طرفندن تبلیغ بیوریلان کتاب کریم الهی اولدیغی کمال وثوق و قطعیتله بیلیور و بویله جه یقیناً ایمان ایدیوروز . تواتر قطعی ایله حفظ و نقل ایدیلن بو کتساب مین حقیقه ده هیچ بر عقل سلیم ایچون شبهه و تردد امکانی یوقدر . کتب سائرته نک ابتداء ظهورینی ، کشف بر ظلمت مجهولیه افوللری تعقیب ایتمشی او کتابلرک محمد امین ، ک اصحابی کبی حافظ و ناقللری ، جامع و کاتبلری بولنمشی اثریدر . بو کتب سماویه نک کجیردیکی انقلابات کندی منتسبلرینک بیله آکلا یوب بیلدیکی بر حقیقت تاریخیه در . قوم یهود و نصاریک کتابلرینه عدم نقدله او کتابلرک اوغمرادقلری عاقبت الیهیه قرآن کریمک ده معروض اوله بیلمسندن اصحاب کرام ، نورالله قبورهم اجمعین ، حضراتی بحق اندیشه ایتمشلردی . باشده ایلک خلیفه مسلمین بولندی حالده کتاب اللهک نظم شریفی کیفیت اداسنه قدر . حفظ و تحریر خصوصنده پاییلان اعتنا و اهتماملر تاریخ عالمده مثلی سبق ایتیان بر حادثه منفرده در . (و اناله لحافظون) و (لایانیه الباطن من بین یدی و لامن خلفه) آیت کریمه لرله طرف سبحانیدن حفظی ، اکیداً درعهده بیورلمشدیک بو تکفل الهیاء انفاذ و تجلیسی ایچون ایلک خلیفه مسلمین ایله آنک

اولان شرق بولتیقه سنک خطوط اساسیه سیدر . هب بو خطوط اساسیه نک چیزدیکی پلانله مملکتلری میز غائب ایتدک ، محاربات داخلیهیه ، قیاملره معروض قالدق . وضعیف دوشدک . اوروپادن مایمان علاقه من کسیدلی ، آناتولی یی ده آز قالدی بزه سزار اوله رق قازیورلری .

آوروپاده اسلامیه قارشی مان فطری بر حسن خصانه واردر . آوروپا و آسریقانک بتون تشکیلات روحانیه سنده بوحس حکمفرمادر . مدنیت جدیده بوحسی ضعه کتیرمش دکدر . یالکیز تشکیلات روحانیه ده دکل ، نجه ارباب علم و معرفتده دخی اوحسک تأثیر و نفوذی کوریلور . ایشته صلیبک کیردیکی بیه هلال تکرار کیره من قاعده متمصبانه سی بوحسک بر اثریدر . آوروپا و آسریقاده اوحس دیه بیلیم که بولتیقه دن زیاده قوتلیدر . و غیر قابل تبدلدر . اقوام اسلامیه نک باشنده ، هر نقطه نظر دن تورکیا کلور . استقلالنه صاحب ، ذهنیتده الک زیاده تکامل پیدا اولان تورکیادر . بناء علیه اسلامیتده تجدد پیدا اوله مامی ایچون تورکیانک فیضنه مانع اولقی اک امین بر بولدر .

بوحسیاته ، بوتایلره قارشی نه پایله بیلیر ؟ بز بو عننه ایله ناصل باشه حقیقه بیلیز ؟

بم فکر بجه ماده باشه حقیق قابل اوله ماز . اولرک اثرینی تعقیب ایله اولره یاقلاشق ده قابل اوله ماز . چونکه آراده کی مسافه چوق اوزوندر . اولر درجه سنده ترقیات مادییه واصل اولقی امکان خارجنده در . بتون مسلم قوملرک عصرلجه کجیردکری غفلت دورینک جزاسنی چکه کجیز .

فقط بو ، بویله اولقله برابر آوروپا مدنیتنده بر نقصان ، بر ضعف واردر . بو نقصان و بر ضعف معنوی در ، اخلاق در . بزیایه ق یاسه ق ، مادی تقیصه لر میز آنجق قوای معنویه ایله تلافی ایده بیلیز . ترقیات مادییه ده ، محاصل مرک درجه سنده وارده مامقله برابر معنوی و اخلاقی قوتله مادیاتده کی ضعف میز خفیفه ده بیلیز . امدادیک ایشته میور که ترقیات مادییه یی استحصاله هیچ قوت و بیه میه لمده تکیه نشین اولم ! پایله بیلیکمز ، المزک ایریشه بیلدیکی قدر مادیات چالیشم ، فقط قوای معنویه یه استناد ایدم . شرق اقوامی ، یا خود بالجله اقوام اسلامیه اگر قوای معنویه لرینی غائب ایدم ک اولورلر ایه آرتق آوروپا و آسریقانک حب نفس ایچون قوللاندینی وسائط قارشیننده بزون اولور قایلر . بر مثال ایله مدعای میز تأیید ایدم : شوپتیردی کمز محاربه ده یونانیلرک تجهیزاتی هر حالده بزدن مکمل ایدی . چونکه بوتجهیزات اولر ایچون احضار ایدلش ایدی . هر شیشی بر طرفه براقلم ، یالکیز عشاقده یکرمی واغون طیاره لوازمی بولوندی . ماده یونانیلره غلبه ایدلزدی . فقط بزم اردوده اولنرده بولونمیان ال ایله طوتلاز بر قوت وار ایدی که اوده معنوی و اخلاقی قوت ایدی . بونی هیچ بر کیمسه انکار ایده من .

بز بوقوتی یالکیز حربده دکل ، سائر جدالرده دخی بوله بیلیز . مثلاً معیشتده ساده لک ، اسرافدن قاچنمق اقتصادی جدالده بزه معاون اوله بیلیز . کذلک تجارتده و استحصالده اولر قدر مجهز دکلز . فقط معامله مزده و چیقاردیغمن اشیاده طوغریاق و حیلله سزلک بزم امدادیمزه یتیشه بیلیز . وقتیه مملکت مزک غیر مسلم تجاری نزدنده مسلمان آلیجیلرک بیوک بر اعتباری واردی . مسلمانلر اوقدر سرمایه صاحب اوللری اولرک اعتبارینی تزید ایدردی . مسلمانلر نه افلاس بر اعتقاد صاحب اوللری اولرک اعتبارینی تزید ایدردی . مسلمانلر نه افلاس ایدرلردی ، نه ده حیلله کارلای یابارلردی . باباسنک سندسز سیدسز بورجی ، اونک وفاتندن بر مدت صکره ، تاجر کتیروب تأدیه ایدن اولاده نادراً دکل ، قاعده کلیه اوله رق تصادف ایدیلردی . بوناموسکارلق ، بر قوه معنویه ایدی . اسکیدن یکرمی بش یاشنه کلش بر کنج معیشتی ضیق اولسه ده نه وله نیردی . زوجه مک قسمتی الله یوللار دیردی ، او بو اعتقادله ایشه کیریشیردی . فقط

بوکون آرتق محققدرکه هم ملتله، هم حکومتلری یکی دیکتاتورلک شکللرینه دوغرو تکامل ایدیور. بودیکتاتورلکلر بعضاً ظاهراً معشری کی کورو نوپورسده حقیقت حالده دائماً بر فردک دیکتاتورلکننده عبارتدر. مثلاً روس قومونیسترلری کی اک مفراط سوسیالیستلرده بیله، حکومت سادهجه برقاچ مشوقک دیکتاتورلکنندن باشقه برشی دکلددر. بو استبدادلری کتلهلر قولایلقله قبول ایدیورلر. حقیقت حالده اهالی کتلهسی استبداددن باشقه بر شکل حکومتی هیچ برزان طایماشدر. سندیه رئیسلری، آسیانک اسکی مستبد حکمدارلری قدر قولایلقله اطاعت ایدیلن کوچوک کوچوک مستبدلردر. بو استبدادلره مطیع اولانلر، بالذات کندیلرینک حکم سوردیکنی توهم ایدرلر؛ بو وهم وخیال اولره کافیدر.

بوکون عمله یالکیز یومیه نك متبادیاً آرتمنی دکل، سرمایه دار حکومتک ده ورلمسنی ووجعیت یرینه کندی لهنده بر دیکتاتورلک اقامه سنی ایستیور. عمله، بوصورتله، ایچنده یاشادینی جمعیتلرک دشمنی اولمشدر. عمله صنفلری، بوتون مملکتلرک عمله سنی برلشدیره رک جهانشمول برصالحه تأسیس ایده بیله چکلرینی ظن ایدیورلر. بوخولیلر ایچنده اونوتویورلرکه، تاریختک اوکرتدیکنه نظراً، عوام حکومتلری قرال حکومتلرندن ده ازیاده جرنجو اولمشلردر. اساساً عمله صنفلرینک سطحی بین الملل تمایلاتی بوتون مملکتلرده ملتپرورلکک یکی برانکشفه چارپیور. کینلر ومنفعتلر اقوامی بربرندن آیریور. دیوارلرمزک اوزرنده منقوش اولان جمهوریت شعارلرندن «اخوت» حالا باقیدر. فقط بوشعار چوقدن بری قیللمزندن سیللمشدر.

خلقک بویکی تمایلاتنک اسبابی مختلفدر. بوتمایلات حکومتلرک اولافجیع برخریه مانع اولمق، ثانیاً یکی حربلره مانع اولاجق برصالح الده ایده بیلیمک خصوصنده کی عجزندن قوت بولمشدر.

بر حکومت، هر نه شکلده اولتورسه اولسون، آنجق نفوذ واعتبارله دوام ایده بیلیر؛ بواعبار زائل اولونجه، او حکومت اورتادن قالقار. اعتبار، مختلف تأثیرلر آلتنده، زجمله عسکری بر مغلوبیتله زوال بولور. مثلاً (سهدان) مغلوبیتندن صوکره فرانسه ده ایمرا - طورلنک، عمومی حربده کی مغلوبیتلردن صوکره روس چارلنک، وآلمان مونارشیلرینک زوالی بویوزدن اولمشدر. بو حادته غایت طبیعی در. بر ملتک قریان اولدینی مصیبتلر، بومصیبتلره مانع اولامایان حکومتلره قارشى عصیان حصوله کتیرر. غالب حکومتلر کهنجه، نفوذ واعتبارینک تزایدینه شاهد اولور، الویررکه بو ظفر حقیقی اولسون.

مشاور امینی فاروق اعظم حضراته فرقان مینک جمع و تربیتی الهام بیورلمشدر. اوچنجی خلیفه زماننده بعض قراآت واهیه واختلافدن اندیشه ایدیلهرک (ادرك هذه الامة قبل ان يختلفوا اختلاف اليهود والنصارى) دهرک وقوع بولان مراجعت اوزرینه ده نسخ قرآنیه تکثیر ایدلش ایدی. ایکنجی عصر هجریده زنادقه دینی استخفاف، فرق مخلفه منتسبى خسیس مدعالرینی اثبات مقصدیلر بر طاقم قراآت منکره اورتیه قومق ایستدکلرنده دائماً قارشولرینه برر سد آهنین کی مصاحف عثمانیه حائل اولمش و اومقاصد لئمه سونمش کیتمشدر. خلیفه رابع سیدنا علی المرتضی افندمن کتاب الله، مصروف اولان بو مبرور خدمتلی تقدیراً ابتدا حضرت ابی بکر حقنده (اعظم الناس فی المصاحف اجراً ابوبکر رحمة الله علی ابی بکر هو اول من جمع القرآن) دهرک رحمتله یاد ایدردی. صکره حضرت ذی النورین حقنده ده (خیر الله عثمان عن الامة خیر الجزاء فقد احسن ویرفیا صنع) دیه نناخوان اولوردی.

دین مبین اسلامک محافظ امینی بولان خلفای اربعه طرفندن مجتمعا حفظ قرآنه معرف اولان شو اهتمام مخصوص بلا استثنا بتون اصحاب کرام طرفلرنندن ده تأیید ایدلدیکندن آنک تک برکله سنده بیله تردد احتمالی قالماشدر. شمده یه قدر کره ارض اوزرنده شعله نثار اولان جناب قرآن الی ماشاء الله الله تعالی نور افشان اوله جق وآنک فیض مینندن مستفید اوله کلن عالم اسلام بوندن بویله ده فیضیاب اوله جقدر.

کره بینه روز شب بره چشم - چشمه آفتاب راجه کنه
راست خواهی هزار چشم خیاب - کور بهترکه آفتاب سیاه
محمد قاتل

غرب نیات اجتماعیه و سیاسیه سنده :

ملتلرده یکی تمایللر

فرانسه ده، وانکلترده و دیگر مملکتلرده کی غره ولردن صوکره بلجیقا شمندوفر عمله سنی غره وی خلق تمایللرنده کی تکامله یکی بر علامتدر. بو غره ولردن بر چوغی عمله ایله پاترون آره سنده یومیه مناقشه سندن دکل، عمله صنفنک سیاسی ادعالرندن نشأت ایتمشدر. «معدن معدنجیلره»، «شمندوفرلر شمندوفر عمله سنی»، «عمله نك دیکتاتورلکی» الخ کی دستورلر بویکی ادعالری پک کوزل افاده ایدیور.